

## 2 TIMOTEO

Jiro Pablo Timoteore cã ca owa cojo nemori pũurora, cã ca bii yaibe ca cõñacã doorijere majiri, cã yeere cãre cã ca cũu yaipere ca owa tãjagure biri wãme owami. Tee tiigu cãre cã ca owa cojo jũori pũuro mena cã ca tii niipere cãre cã ca wede majioriquerena jĩcã wãmeri ïi queno, apeye cãre ïi nemo, ïimi.

Ca nii jũori tabere peeto añu doti cojo yapano (1.1-2), Timoteo, díamacũ tũo nucũ bũo, Pablora bũaro cãre mai, cã ca biirijere ïima ïigu, Æmureco Pacure “Añu majuropecã” cãre ïi, ïimi (1.3-5).

Tee jiro, tee añuriye queti jũori cãre cãja ca jãa cõacãpe ca nii pacaro, to birora Pablo cã ca tũo nũnũjeecõa niirije añuriye quetire bobo jãaricaro maniro to birora tũo nũnũjeecõa niiriquere cãre wede majiomi. Timoteo cãa jĩcũ uwamũ añugũ Jesucristo yũure birora, tũgoeña bayirique mena to birora ñañoaro cã ca tamũo peera niiro bii (1.6–2.13).

Díamacũ ca niitirijerena ca buerã menare cã ca bii niipere cãre wede majiomi. Wederique ñeeacã pee ca tiitirije jũorira, ca tũorã peera añuro nii majiña maniro tii, ameri tutiricaro tii, ca tiirijerena cã menara cã ca ïi ñaajua nucũ yujutipere biro ïigu cãre wede majiomi. To biro ïicã, añuro cã ca biirique cuti niipere, wimagũ niigũpũra Æmureco Pacũ wederique cã ca bue ecorique ca ïirore biro to birora cã ca tũo nũnũjeecõa niipere, cãre wede majiomi. Tee jiro, cã ca tii niipere jĩcã wãmeri cãre

wede majio, ñucã cãre ca biirijere cãre queti wede, ñimi (2.14–4.18).

Ca tujari tabepura aũu doti yapanorique mena ñi yapano eami (4.19-22).

## **Puati Timoteore Pablo cã ca queti owa cojorica pũuro**

### *Aũu dotirique*

<sup>1</sup> Yũ Pablo, Ũmũreco Pacũ cã ca boorore biro Jesucristo yeere wederi majũ, Cristo Jesús jũori catirique buarique niirucu cã ca ñirique ca niirore birora, wede dotigũ cã ca tiicojoricũ, <sup>2</sup> yũ macũre biro yũ ca maigũ Timoteore, mũ yũ aũu doti cojo. Mani Pacũ Ũmũreco Pacũ, mani Wiogũ Jesucristo, cãja ca aũurijere, cãja ca ña mairijere, cãja yee jĩcãri cõro niiriquere, mũre cãja tiicojojato.

### *“Aũu majuropeecã,” ñirique*

<sup>3</sup> Ñamiri, umũrecori, yũ ca juu buerije cõrora mũre tũgoeñari, Ũmũreco Pacũre “Aũu majuropeecã,” yũ ñi, yũ ñicũ jãa niiquĩricarã cãja ca tii niiquĩricarore birora tiigũ, aũuro tũgoeña yeri catirique mena, yũ ca tii nũcũ buogũre. <sup>4</sup> Mũ ca otiriquere tũgoeñari, mũre yũ ñarugami, ujea niirũgũ. <sup>5</sup> Díamacũra, díamacũ mũ ca tũo nũcũ buorijere yũ maji. Mũ ñicõ Loida, to biri mũ paco Eunice, díamacũ tũo nũcũ buo juoura.\* Mũ cãare, “To birora biimi” yũ ñi.

<sup>6-7</sup> To biri yũ amori mũre yũ ca ñia peori tabere, mũ ca tii maji niipere Ũmũreco Pacũ mũre cã ca tiicojoriquere, “Uwitigũra teere tiicõa niĩña,”

---

\* 1:5 1.5 Hch 16.1.

mure yu ñi. Umureco Pacu uwi tugoeña yeri catirique méere, manire tiicojoupi. Mani ca ñi bayipere, mani ca ameri maipere, tugoeña bayiriquere, manire tiicojoupi. <sup>8</sup> To biri mani Wiogu yeere wede niigu boboeto. Ñucã cã yee juorira tia cūrica wiip̄u yu ca niirije cãare boboeto. Mu cãa añurije queti juori ñañaro tam̄ogu, Umureco Pacu tutuarique mure cã ca tiicojorije mena, to birora tugoeña bayicõa niiña. <sup>9</sup> Umureco Pacu manire ametuene, ca ñañarije manirã mani ca ni-iro manire tiir̄gu, manire juoupi. Añurije mani ca tii niirije juori méé, mee atí umurecorire cã ca tiiparo juguerop̄ura Cristo Jesús juori, atere to biro manire tii bojaupi. <sup>10</sup> Mecura Cristo Jesús manire Ca Ametuenegu, bii yairiquere tii yaio,† añurije queti mena to birora caticõa niirique ca peti nucãtirije peere añuro ca boerop̄u ami bau nii, ca tiiricu cã ca doorique mena bii bau nii eaura.

<sup>11</sup> Ate añurije quetire, yure wede dotiwi Umureco Pacu. Cristo yeere wederi maj̄u, ñucã bue majiori maj̄u, yure tiicojo cojowi. <sup>12</sup> Tee juorira ate niipetirijere ñañaro yu tam̄o. To biro yu ca biirijere yu boboti, díamacũ yu ca tuo nun̄jeegure ca majigu niiri. Teere yure ca wede dotiricu ca tutuagu niiri, tii r̄mu ca earop̄u yure cã ca ña nun̄jee yerijãapere yu maji.

<sup>13</sup> Díamacũ bue majiorique yure mu ca tuoriquere wajoatigura, tee ca ñiire biro tii nun̄jeecã nun̄na waaḡja. Ñucã Cristo mena niirã díamacũ tuo nucã buo, ameri mai, mani

† 1:10 1.10 Jesucristore ca tuo nun̄jeerã, ñañaro bii yairica tabep̄are waatirucuma.

ca bii niirije mena niiña. <sup>14</sup> To biri Añuri Yeri manipure ca niigũ cã ca tii nemoro mena, díamacũ bue majioriquere mare cã ca dotiriquere añuro ãa nũnjeeya.

<sup>15</sup> Mee niipetirã Asia yepa macãrã, ñucã Figelo, Hermógenes jãa menapara yure cãja ca waa weo-coariquere mũ maji.

<sup>16</sup> Wiogũ, Onesíforo yaa wii macãrãre cã ãa maijato. Cã pea paũ tiiri, yũ ca tũgoeña tutuaro tii, tia cũurica wiipũ ñañoaro yũ ca bii duwi yujurije cãare bobo tũgoeñati, biiwi. <sup>17</sup> To biro biitigura, Romare eacãgũpa ama yerijãaricaró maniro yure ama, yure buacãripũ yerijãawi. <sup>18</sup> To biri Wiogũ, tii rãmũ ca earo, cã ca ãa mairijere cã ca bua earo cũre cã tiijato. Mee añuro mũ maji, paũ tiiri Éfesopure manire cã ca tii nemoriquere.

## 2

### *Ñañoaro tamũo tũgoeña bayirique*

<sup>1</sup> Mũ Timoteo, yũ macũ, Hmãreco Pacũ cã ca añũ majuropeerijere, Cristo jũori mare cã ca ti-icojoriquere buaro jañoaro teere tii nũnjee nũña waagũja. <sup>2</sup> Paũ cãja ca tũo cojoropũ yũ ca wedero mũ ca tũoriquere, Cristore to birora ca tũo nũnjeeecã niirã aperã cãare ca bue majio majiparã unore, teere cãjare wede dotiya.

<sup>3</sup> Cristo Jesús yũũ uwamũ ca niigũre birora\* ñañoaro ca tamũopara niiña mũ cãa. <sup>4</sup> Jicũ peera uwamũ, cã wiogũ cã ca ãa ñjea niiro ca tiigũña, uwamarã niitirã tiirique peere tii maa wijiati. <sup>5</sup> Teere birora ũmaari majũ cãa, ca ũmaa bayi

\* 2:3 2.3 Ef 6.10-20.

ametuenegu cũ ca wapa taari betore buatimi, tee ca dotirore biro cũ ca tiitijata. <sup>6</sup> Ñucã paderi majũ tutuaro ca padegu niimi, ote dicare ca jee juopũ. <sup>7</sup> Mũre yũ ca ñirijere tuãgoeñaña. Wiogu ate niipetirijere mũ ca tuo puoro tiirucumi.

<sup>8</sup> Tuãgoeñaña, Jesucristo, wiogu David pãrami ca bii yairicarã watoare ca cati tuaricũre. Ate nii añurije queti yũ ca wederije, <sup>9</sup> añurije queti juorira ñañarije tamũo nucã duwi yuju, ñucã ñañagure biro come daari mena cũja ca jiacãricũ, yũ nii. Biiropũa, Æmũreco Pacũ yee queti pea come daari mena jiarique niiti. <sup>10</sup> To biri Æmũreco Pacũ cũ ca beje jeericarã añuro cũja ca niipere ñima ñigu, niipetiro ñañaro yũ ca tamũorijere yũ nucã ametuenecã, cũja cãa, añurije ametũarique to birora ca niicõa niirije, Cristo Jesús juori mani ca cuorijere cũja cuojato ñigu.

<sup>11</sup> Díamacũra ca niirije nii atea:  
Cũ menara ca bii yairicarã mani ca niijata,  
ñucã cũ menara mani cati niirucu.†  
<sup>12</sup> Cũ yee juori ñañaro mani ca tamũojata,  
ñucã cũ menara ca doti niirã mani niirucu.  
Cũ yee juori ñañaro biima ñirã, “Cũre jãa majiti”  
mani ca ñijata,  
cũ cãa, “Mũjare yũ majiti” manire ñirucumi.  
<sup>13</sup> Mani ca ñirore biro ca tiitirã mani ca nii pacaro,  
cũ pea cũ ca ñirore birora tiicõa niimi,  
cũ majuropeera ca ñi ditotigu niiri.

*Paderi majũ añuro ca padegu*

<sup>14</sup> Atere to birora cũjare ñi wede majiocõa niiña. Æmũreco Pacũ cũ ca ña cojoro, “Wede penirique

---

† 2:11 2.11 Ro 6.8.

ca añutirijere ïiticaña,” cǔjare ïiña. Tea añuti. Ca t̃horãre ca ñañorije niïro bii. <sup>15</sup> M̃ ca tii bayiro cõro tiiya. Æm̃areco Pac̃u j̃uguerore j̃icũ paderi maj̃u ñee ãno j̃uori pee ca bobotig̃ure birora, “Añu majuropeecãmi” ïiric̃u nii ear̃ug̃u, díamacũ ca ni-irije quetire ca niïrore birora ca wedeg̃u niïña. <sup>16</sup> Æm̃areco Pac̃u cũ ca boorore biro añuro nii ññna waa majiña maniro ca tiirije ati yepa maquẽre wedeticãña. Tee ãnore ca wederã, b̃uaro jañuro ñañarije peere tii ññna waama. <sup>17</sup> Ñucã, c̃ja ca bue majiorije cãa, diarique ca catiotirije ca boa ññna waarijere biro‡ peni pea ññna waa. Teere biro biïma Himeneo, Fileto jãa, <sup>18</sup> díamacũ ca niir-ije quetire ca camotatiricarã. “Mee, cati tuarique biicã yerijãa waaupa,” ïicãri, j̃icãrã díamacũ c̃ja ca t̃uo ñucũ b̃uorijere c̃ja ca t̃uo maa wijiaro tiïma. <sup>19</sup> To ca bii pacaro Æm̃areco Pac̃u yaarã peti ca niirã, cũ yaarã c̃ja ca niirijere ïñorã to birora c̃ure t̃uo ññnjeecõa niïma, o biro ïi owarique mena: “Æm̃areco Pac̃u, cũ yaarãre majimi,” ñucã “Ñucũ b̃uorique mena Æm̃areco Pac̃ure tii nemorique ca jãirã niipetirã ñañarije tiiriquere c̃ja camotati-jato,” § ca ïirije mena.

<sup>20</sup> Wii pairi wiip̃ure, oro, plata mena tiirica bapari wado méé niï: yuc̃u mena, diï mena, c̃ja ca tiirique cãa niï. J̃icã wãmeri ca niï majuropeerijere tiirã c̃ja ca c̃uorije, apeyea c̃ja ca boorijere tiirã c̃ja ca c̃uorije, niï. <sup>21</sup> J̃icũ ñañarije tiiri méé cũ ca niijata, j̃icã bapa añuri bapare biro ca ñañarije manig̃u, Æm̃areco Pac̃u ỹu, niipetirije añurijere ca tiip̃u niirucumi.

---

‡ 2:17 2.17 Cáncer, gangrena. § 2:19 2.19b Is 52.11; Nm 16.26.

22 Wāmarā niirā buaro ñañarije tiirique ca boorijere cūja ca tii niirijere dutiri, ca niimore biro tii niirique, díamacū t̄uo n̄ucū buorique, ameri mairique, j̄icāri cōro añuro niirique peere amaña, añuro yeri t̄ugoeñari, Wiogure ca ñi n̄ucū buorā mena.\* 23 Ca ñitipe uno cūja ca ñirijerena t̄uo n̄un̄jeeticāña. Mee ameri tutiriquer̄u ca bii yapanorijere m̄u maji. 24 J̄icū Wiogu yeere paderi maj̄u, ca ameri tutigu méé ca niip̄u niimi. To biro biitigura, niipetirā mena ca bojoca añugu, ca bue majio majigu, ca t̄ugoeña bayigu, 25 ca amet̄ene n̄ucār̄are, “Ум̄г̄еко Р̄ас̄у, cū peere cūja ca t̄uo n̄un̄jeero tii, díamacū ca niirijere maji, cūja ca biiro cū tijato,” ñi yuerique mena ca wede majio majigu ca niip̄u niimi, díamacū ca niirijere maji 26 bii bojoca catiri, Satanás cū ca tii buiyeerijere, cūja ca boorore biro cūja ca tiiro cū ca tii niirijere cūja ca tii yerijāaro tiir̄ugu.

### 3

#### *Ca t̄ujari r̄um̄ari ca biipere wederique*

1 Ca t̄ujari r̄um̄ari ca nii waarucuro, do biro bii majiña maniro ñañarije ca tiirā cūja ca niiri yuteari ca bii eape cāare ca majip̄u m̄u nii. 2 Bojoca cūja yee maquē wadore ca boorā, wapa tiirica tiirire buaro ca boorā, “O biro ca biirā jāa nii” ca ñirā, ca manirijerena ca amarā, niirucuma. Ñañarije ca ñi tutirā, cūja pac̄are ca amet̄ene n̄ucār̄ā, “Añu” ca ñitirā, n̄ucū buorique ca n̄ucū buotirā, 3 ca bojoca ña maitirā, ca ameri wede quenotirā,\* ca queti

\* 2:22 2.22 Ro 10.12; 1Co 1.2.

\* 3:3 3.3 Ñañaro cūja ca ñirijere, cūja ca tiirijere, ca wederique quenotirā.

pairã, cãja ca tiirugarijere ca nũcãtirã, “Ñãñaro jãa tiibocu” ca ñi bojoca catitirã, niipetirije añurijere ca junarã, <sup>4</sup> ca wedejãa buiyeerã, jãa tiicãre ca ñitirã, “O biro ca tiirã jãa nii” ca ñirã, Æmureco Pacure amaricarano cãja ca tiirugarije peere buaro ca tiirã, niirucuma. <sup>5</sup> Æmureco Pacu cã ca boorore biro añuro ca tii nunuñeerãre biro niirucuma. To biro bii pacarã, cãja ca tii niirije mena díamacũ Æmureco Pacu cã ca boorore biro tii niiriquere junarucuma. To biro ca biirã menara niiti majuropecãña.

<sup>6</sup> Cãja mena macãrã niima wiijeru jãa waacãri, nomia ca tugoeña tutuatirã cãja ca tiirugarije cõro ñañarije tiicãri, ca tugoeñarique pai niirãre, buaro jañuri ñañarijere cãja ca tii yai waaro ca tiirã. <sup>7</sup> Biirãrua cãja romiria to cãnacã tiira, buaro jañuro bue maji nũna waama. Bii pacarã, díamacũ ca niirije peera jĩcãti uno peera tuo jeeño majicoa, biitima. <sup>8</sup> Moisés're, Janes, Jambres† jãari cãja ca ñi camotaricarore birora cãja cãa, díamacũ ca niirije quetire ñi camotama. Ñañarije wado ca tugoeñarã, díamacũ tuo nũcũ buoriquere ca camotatiricarã niima. <sup>9</sup> Biirãrua ruarã Moisés're ca ñi camotaricarãre ca biiricarore birora, buaro ñi nũna waatirucuma, niipetirã no ca boorora cãja ca ñirijere cãja ca majicoaro macã.

*Pablo, Timoteore cã ca tii dotirique*

<sup>10</sup> Mu pea, yu ca bue majoriquere, yu ca niirique catirijere, yu ca tiirugarijere, díamacũ yu ca tuo nũcũ buorijere, yu ca tugoeña bayirijere, yu ca mairijere, ñãñaro tamugoyu yu ca tugoeña bayirijere, <sup>11</sup> ñãñaro yure cãja ca tiiruga nunuñeerijere,

---

† 3:8 3.8 Ex 7.11.



ñañaro yu ca tamuorijere, yu ca biimore birora mu bii nunajeewu. Ñucã Antioquía, Iconio, Listraru niigu, ñañaro tiiruga nunajee eco, yu ca biiriquere, ñucã tee niipetirijere Jesucristo yure ametuene, cã ca tiiriquere mu tuoupa. <sup>12</sup> Niipetirã Cristo Jesús juori Umureco Pacu cã ca boorore biro ca tii niirugarã, ñañaro tii nunajee ecorucuma. <sup>13</sup> Ñañarã, ca ñi ditorã pea, buaro jañuri ñañaro bii nuna waarucuma, ñi dito, ñi dito eco, biirã. <sup>14</sup> Mu pea, mu ca bue majirique cõrorena “Díamacãra nii” mu ca ñirijere, to birora tiicõa niiña. Mee mu maji, mure ca bue majioricarãre. <sup>15</sup> Mee, wimagu niiguru Umureco Pacu wederiquere‡ mu majiupa, “Cristore díamacã tuo nucã buorique juori, ametuarique nii,” mu ca ñi majiro ca tiirijere. <sup>16</sup> Umureco Pacu wederique owarica tuti niipetirupara Umureco Pacu cã ca majiorije mena cãja ca owarique nii. Bue majio, tuti bojoca catio, wede majio, ca niimore biro tii niiriquere bue majio, tiirique maquẽ añurije nii, <sup>17</sup> Umureco Pacu yuu ca niigu cõrora niipetirije añurijere ca tii majigu añugu, cã ca niipere biro ñiro. §

## 4

<sup>1</sup> Umureco Pacu, to biri Wiogu Cristo Jesús, Upure biro cã ca doti majirije mena doori, ca catirãre, ca bii yairicarãre, ca ña bejeru cã ca ña cojoro, atere mure yu tii doti: <sup>2</sup> Añurije quetire wedeya; mu ca wedepa tabe uno, mu ca wedetipa tabe uno cãare, to birora wedecõa niiña. Cãja ca tãgoeña wajoaro tii, buaro tãgoeña bayirique mena cãjare wede

‡ 3:15 3.15 Escrituras: Antiguo Testamento.  
17.17; Ef 5.25-26.

§ 3:17 3.17 Jn

majio bojoca catio, cãja ca tũgoeña bayiro tii, tiiya, cãjare bue yerijãaricaró maniro. <sup>3</sup> Earucu, añurije bueriquere bojoca cãja ca tũorũgatiri yũtea, cãja ca boorije wadore ca tiirã niiri, paũ cãjare ca bueri maja cãja ca tũorũgarije uño wadore ca wederãre amarucuma. <sup>4</sup> Díamacũ ca niirijere tũo nũnũjee yerijãari, ca biiquĩriquere cãja ca wederije peere tũo nũnũjeerucuma. <sup>5</sup> Mũ pea niipetirijepũrena ca tũgoeña bojoca catigũ nii, ñaño tamũoriquere nũcã, añurije quetire wede, mũ paderiquere añuro pade, tiicõa niĩña.

<sup>6</sup> Yũra, peeto dũja yũre cãja ca jĩape. Yũ ca waapa yũtea eacoaro bii.\* <sup>7</sup> Jesucristo yeere padegũ ñaño tamũo pacagũ, yũ ca tii bayiro cõro to birora yũ padecõa niiwũ. <sup>8</sup> Mecũra Wioğũ ca niimore biro ca ña bejegũ cũ ca doori rũmũre, cũ yeere ca niimore biro yũ ca tii niirique wapare yũre cũ ca tiicojo wapa tiipa beto yũre yue; yũ wado méere tiicojorucumi, niipetirã mairique mena cũ ca doorijere tũgoeña bayirique mena ca yue niirã cãare cãjare tiicojorucumi.†

### *Timoteo cã ca tiipe*

<sup>9</sup> Timoteo, yoari méé jañuro yũre ñagũ dooya. <sup>10</sup> Demas pea, ati yepa maquẽ peere bũaro ca boogũ niiri, Tesalónicaru yũre waa weocoawi. Cre-sente cãa Galaciaru waacoawi. Tito pea Dalma-ciaru waacoawi. <sup>11</sup> Lucas jĩcũra yũ mena niimi. Marcos're jũogũ waari, cũre mũ jũo doowa; yũ ca paderijere yũre tii nemobocumi. <sup>12</sup> Tíquico

\* **4:6** 4.6 Uũmareco Pacure tii nũcã buorã waibacu jĩari joe mæene yapano waarã, uje cãja ca pio peorore biropũ biiicoagu yũ bii. † **4:8** 4.8 1Co 9.24-25; 1Ti 4.8; Stg 1.12; 1P 5.4.

peera Éfesopu cüre yu tiicojowu. <sup>13</sup> Doogu, Troas'pu, Carpo yaa wiipu yu jutiro jotoa jãñaricaró, yu ca cūuricarore yure mu ami doo bojawa. Ñucã apeyera, owarica tutirire, añuro petira owarique upa tunua ca niiri pūrorire‡ mu jee doo bojawa.

<sup>14</sup> Alejandro, come paderi maju, buaro peti ñaño yu ca biiro yure tiwi. To biri Wiogu cãa cū ca tiiricarore birora ñaño cüre tiirucumi. <sup>15</sup> Mu cãa cüre uwi bojoca ca tiiri niña. Mani ca wederijere buaropura booti majuropecãwi.

<sup>16</sup> Uparã patoru§ yu ca wede queno juogu waaro jicū peera yure bapa catiticãwa. Niipetirãpura yure waa weo peticoawa. To biri Umareco Pacu, “To biro cãja ca biirique juori, ñaño cãjare cū tiiticãjato,” yu ñi yue. <sup>17</sup> To ca bii pacaro Wiogu pea yure tii nemo, tutuarique yure tiicojo, tiwi, yu juori añurije quetire yu ca wedero, Cristore ca majitirã cãja ca tuo nunujeepere biro ñigu. To biro tiiri, yai jūagu\* ujeropu ca jãñagure biro yu ca niirijere yure ametuenuwi. <sup>18</sup> Wiogure díamacū yu ca tuo nunujeerijere cū yerijãajato ñirã, ñaño yure cãja ca tiimijata cãare, cūra yure tii nemori, ca añuri tabe cū ca doti niiri tabe umareco tutipu yure amicoarucumi. Añurije to birora cüre to niicõa niijato. To biro to biijato.

### *Añu doti yapanoriqué*

<sup>19</sup> Priscila, Aquila jãa, to biri ñucã Onesíforo yaa wii macãrã cãja añujato. <sup>20</sup> Erasto, Corintopura tuacãwi. Tróximo peera ca diagure, Miletopura cüre

‡ **4:13** 4.13 Pergaminos: Ovejas quejeri mena, chivoa quejeri mena, cãja ca tiirique niupa. § **4:16** 4.16 Jueces. \* **4:17** 4.17 León; Sal 22.20-21.

yꝯ cūuwꝯ. <sup>21</sup> Ñucã pue bꝯcꝯ jꝯguero, yoari méé jañuro mꝯ doowa. Ñucã Eubulo, Pudente, Lino, Claudia, niipetirã mani yee wederã Cristore ca tꝯo nꝯnꝯjeerã mꝯre añu doti cojoma.

<sup>22</sup> Wiogꝯ Jesucristo mꝯ mena nii, Æmꝯreco Pacꝯ pea cã yee añurijere mꝯja niipetirãre paio tiicojo, cã tiijato.

To biro to biijato.

Pablo

**Umareco pacu wederique**  
**The New Testament in the Waimaha language of**  
**Columbia**  
**El Nuevo Testamento en el idioma Waimaha de**  
**Colombia**

copyright © 2010 Wycliffe Bible Translators, Inc.

Language: Waimaja (Waimaha)

Translation by: Wycliffe Bible Translators, Inc.

Waimaha

Brazil

[bao]

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Waimaha

© 2010, Wycliffe Bible Translators, Inc. All rights reserved.

All rights reserved.

2023-04-20

---

PDF generated using Haiola and XeLaTeX on 21 Feb 2024 from source files dated 29 Jan 2022

b27487a1-9972-5a73-bd06-ca59527b1979